



ДУНДГОВЬ АЙМАГ
ДЭЛГЭРЦОГТ СУМЫН ЗАСАГ ДАРГЫН
ЗАХИРАМЖ

2021 оны 05 сарын 08 өдөр

Дугаар А/56

Амардалай

Зохион байгуулалтын арга хэмжээ
авах тухай

Монгол улсын Засаг захиргаа нутаг дэвсгэрийн нэгж, тууний удирдлагын тухай хуулийн 29 дүгээр зүйлийн 29.1.6-ын "а", Гамшгаас хамгаалах тухай хуулийн 32 дугаар зүйлийн 32.1.1 дэх заалт, Засгийн газрын 2021 оны 115 дугаар тогтоол, Улсын Онцгой комиссын 2021 оны 17 дугаар хурлын шийдвэр, аймгийн Онцгой комиссын 14 дүгээр хурлын шийдвэр, аймгийн Засаг даргын 2021 оны А/180 дугаар захирамжийг тус тус үндэслэн ЗАХИРАМЖЛАХ нь:

1.Коронавирус (Ковид-19)-ын цар тахлаас урьдчилан сэргийлэх, тэмцэх, эрсдлийг бууруулах зорилгоор 2021 оны 05 дугаар сарын 08 ний өдрийн 06.00 цагаас 2021 оны 06 дугаар сарын 02 ны өдрийг хүртэлх хугацаанд гамшгаас хамгаалах өндөржүүлсэн бэлэн байдлын зэрэгт шилжүүлсүгэй.

2.Дээрх хугацаанд сумын нутаг дэвсгэрт олон нийтийг хамарсан уралдаан тэмцээн, сүм хийдийн болон бусад хурал цуглаан, үзэсгэлэн худалдаа, аялал зугаалга, хурим найр, спорт заал, жуулчны баазыг 2021 оны 05 дугаар сарын 08 ны өдрөөс 2021 оны 06 дугаар сарын 02 ны өдөр хүртэл хугацаанд хориглосугай.

3.Дээрх хугацаанд сумын хэмжээнд ажиллаж буй шалган нэвтрүүлэх хяналтын цэгүүдээр нэвтэрч байгаа коронавируст халдвараас сэргийлэх дархлаажуулалтын 2 тунд бүрэн хамрагдсанаас хойш 14 хоног болсон, сүүлийн 4 сарын хугацаанд халдвараар өвчилж эдгэрсэн иргэдээс бусад иргэдийг PCR шинжилгээний хариуг шалгаж, түргэвчилсэн шинжилгээнд хамруулан нэвтрүүлж, тусгаарлан ажиглах байранд авч 7 хоног хяналт тавьж, шинжилгээний дүнг үндэслэн гэрийн ажиглалтад шилжүүлэх арга хэмжээ авч ажиллахыг ЭМТ-ийн дарга /Т.Мөнхтуяа/-д үүрэг болгосугай.

4. Хот, сум хоорондын зорчигч тээврийн хэрэгслийн хөдөлгөөнийг аймгийн Онцгой комисст уламжлан хязгаарлаж, дамжин өнгөрч буй тээврийн хэрэгслийг зогсоохгүй өнгөрүүлэхээр зохицуулж аж ахуйн нэгж, хувийн хэвшлийн ажиллах цагийн хуваарийг 09.00 цагаас 19.00 цагийн хооронд байхаар тогтоож, хяналт тавьж ажиллахыг Цагдаагийн хэсгийн төлөөлөгч /Л.Отгонбаатар/-т үүрэг болгосугай.

5. Төв зам дээр гарах пост болон хөдөлгөөнт эргүүлийн хуваарийг хавсралтаар баталж, жижүүрүүдийг үүрэгжүүлж, хяналт тавьж ажиллахыг Онцгой комиссын гишүүдэд даалгасугай.

6. Архи, согтууруулах ундаа худалдан борлуулах туугээр уйлчлэх аж ахуйн нэгжүүдэд 18 градусаас доош спиртийн агууламжтай согтууруулах ундаа худалдан борлуулах, түүгээр уйлчлэхийг 2021 оны 05 дугаар сарын 08 ны өдрээс эхлэн зөвшөөрсүгэй.

7. Дээрх хугацаанд улсын чанартай автозам дагуух цайны газруудын уйл ажиллагааг хориглосугай.

8. Сумын нутаг дэвсгэрт барилга, бүтээн байгуулалтын уйл ажиллагаа явуулах аж ахуйн нэгж, байгууллагуудын ажилчдыг нэвтрүүлэх дүрэм журмыг мөрдүүлэн, хяналт тавьж ажиллахыг ЭМТ-ийн дарга /Т.Мөнхтуяа/, Хэсгийн төлөөлөгч /Л.Отгонбаатар/ нарт үүрэг болгосугай.

9. Захирамжийн хэрэгжилтэд хяналт тавьж ажиллахыг сумын Засаг даргын орлогч Л.Золжаргал/-д даалгасугай.

ЗАСАГ ДАРГА



М.БАЯРСҮХ

